

Nú tregðast aðili, sem samkvæmt lögum þessum er skylt að gefa Verðlagsráði skýrslu eða upplýsingar, að láta þær í té, og má þá beita dagsektum frá kr. 500.00 —5000.00, þar til hann uppfyllir skyldur sínar.

Gjört í Reykjavík, 23. júlí 1974.

Kristján Eldjárn.
(L. S.)

Lúðvík Jósepsson.

30. ágúst 1974.

Nr. 82.

AUGLÝSING

um staðfesting forseta Íslands á breyting á reglugerð fyrir Háskóla Íslands,
nr. 76/1958, með áorðnum breytingum.

Forseti Íslands féllst hinn 22. ágúst 1974 á tillögu menntamálaráðherra um staðfesta eftirfarandi breyting á reglugerð nr. 76 17. júní 1958 fyrir Háskóla Íslands, með áorðnum breytingum:

1. gr.

40.—41. gr. orðist svo:

40. gr.

I. Kennslugreinar í guðfræðideild eru þessar:

	Vægi í kjarna
Gamla testamenntisfræði	23 e
Nýja testamenntisfræði	38 e
Trúfræði	14 e
Félagsleg siðfræði	14 e
Kirkjusaga	14 e
Almenn trúarbragðafræði	6 e
Kennimannleg guðfræði	16 e

Deildarfundur tekur nánari ákvarðanir um námsþætti í hverri einstakri kennslugrein.

II. Um kjarna, frjálst nám og kjörsvið.

Nám í guðfræði til embættisprófs jafngildir 150 misserisvikustundum eða námseiningum (ein námseining (e) jafngildir vikuvinnustúdent á námi.) Námsgreinar skiptast í kjarna, frjálst nám og kjörsvið.

Nám í kjarna jafngildir 125 e, í frjálsu námi 10 e og á kjörsviði 15 e.

Í kjarna eru kennslugreinar að jafnaði 1—8 misseri.

Heimilt er, með leyfi deildarinnar, að stunda frjálst nám (10 e) í öðrum deildum Háskólans.

Þegar stúdent er kominn áleiðis í námi skal hann í samráði við kennara velja sér kjörsvið. Skulu kjörgreinar þær er hann velur samtals jafngilda 15 e hið minnsta. Skal hann skrifa stutta ritgerð (að jafnaði ekki lengri en 4000 orð) úr efni kjörsviðs, þar sem hann leggur persónulegt mat á viðfangsefnið.

Heimilt er stúdent, í samráði við kennara, að stunda nám á kjörsviði í öðrum deildum Háskólans eða Kennaraháskóla Íslands allt að 6 e, auk náms í kjörgreinum í guðfræðideild.

Deildin ákveður hvenær tímabært er að hefja kennslu í einstökum kjörgreinum. Deildinni er heimilt að kveða á um lágmarksundirbúning til þátttöku á tilteknum kjörsviðum.

III. Skriflegar æfingar og verklegt nám.

Undir lok hvers misseris skal halda skriflega æfingar (tímaritgerð) í kennslugrein sem hér segir:

Fjórar í Nýja testamentisfræðum, þrjár í Gamla testamentisfræðum, þrjár í trúfræði, þrjár í siðfræði og þrjár í kirkjusögu.

Heimilt er að setja reglur í námsvísi, sem guðfræðideild samþykkir, um vinnuskyldur stúdents í frjálsu námi.

Eigi er heimilt að segja sig til prófs nema fullnægt sé ofangreindu ákvæði um skriflegar æfingar í viðkomandi grein.

Í verklegu námi skal stúdent semja fjórar ræður, flytja tvær æfingamessur með prédikun, stunda starf, sem guðfræðideild útvegar við sjúkrahús eða félagslega stofnun um tveggja mánaða skeið, og innna af hendi annað verklegt nám (sbr. I) þar með talin bréfa- og skýrslugerð.

IV. Prófgreinar.

Prófgreinar eru þessar:

Saga, trú og þjóðfélag Hebrea
Inngangsfræði Gamla testamentisins
Hebreska
Ritskýring Gamla testamentisins
Guðfræði Gamla testamentisins
Gríska
Inngangsfræði Nýja testamentisins
Samtíðarsaga Nýja testamentisins
Ritskýring Nýja testamentisins
Guðfræði Nýja testamentisins
Trúfræði
Trúarlífsfélagsfræði
Félagsleg siðfræði
Kirkjusaga
Trúarbragðasaga og trúarlífssálarfræði
Trúarheimspeki
Prédikun
Barnaspurningar
Kjörsvið.

V. Fyrirkomulag prófa.

Heimilt er að ljúka prófi í kennslugrein að aflokinni yfirferð sbr. III. Þó er heimilt að ljúka prófi í grísku í þrem áföngum og í kirkjusögu í tveim. Öll próf skulu vera skrifleg, en þó skal prófa munnlega í hebresku og grísku og verklega í prédikun og barnaspurningum. Á kjörsviði skal prófa munnlega en gefa einkunn fyrir ritgerð, er gildi að hálfu á móti munnlega prófinu.

Próf skulu að jafnaði haldin í þriðju viku janúarmánaðar og í fjórðu viku maímánaðar.

Einkunnir skal skrá í bókstöfum, A^x, A, B, C, D og F.

Ágætiseinkunn telst A^x og A

1. einkunn telst B

2. einkunn telst C

3. einkunn telst D

Falleinkunn telst F.

Sé þörf að umreikna einkunnir skv. einkunnastiganum 0—10, t. d. vegna náms stúdents utan guðfræðideildar, skal það gert sem hér greinir:

Ágætiseinkunn A^x telst 10

Ágætiseinkunn A telst 9

1. einkunn B telst 8

2. einkunn C telst 6

3. einkunn D telst 5

Falleinkunn F telst 3.

VI. Um tímatakmarkanir.

Skýlt er stúdent að ljúka á tilteknu háskólaári námsvinnu sem nemur ekki minna en 15 námseiningum, ella fer stúdent af skrá og próf sem hann hefur tekið, falla úr gildi.

Þó getur guðfræðideild veitt undanþágu frá ákvæðum þessarar greinar um lágmarkskröfur, ef sérstaklega stendur á.

VII. Um innritanir o. fl.

Guðfræðideild er heimilt að kveðja stúdenta og kennara til fundar við upphaf haust- og vormisseris til kynningar á námi og kennslu misserisins. Stefnt skal að því að þá fari fram innritun stúdenta til einstakra námsgreina, fyrirlestra og æfinga.

Þegar stúdent innritar sig til prófs skal hann sýna deildarforseta, eða þeim er hann kveður til, gögn sín og vottorð um að hann hafi fullnægt tilskildum kröfum.

Guðfræðideild er heimilt að setja reglur, er lúta að því, að hver stúdent hafi námsleiðbeinanda úr hópi kennara er beri ábyrgð á því að stúdentinn hljóti leiðsögn um skipan náms síns. Sjái deildarforseti um framkvæmd málsins.

41. gr.

VIII. Baccalaureorum artium (B.A.) nám í kristnum fræðum.

Í guðfræðideild er heimilt að stunda B.A. nám í kristnum fræðum allt að 45 e skv. námskrá, er deildarfundur setur. Að því tilskildu, að stúdent hafi lokið 45 e í kristnum fræðum, er honum heimilt að velja, hvort hann brautskráist úr guðfræðideild eða annarri deild, enda hafi samval kennslugreina og námsþátta hlotið samþykki beggja deilda.

IX. Gildistaka.

Reglugerð þessi gildir um stúdenta, sem innritast eftir 15. júlí 1974 og þá af eldri stúdendum er bera fram formlega ósk þar um við deildarforseta fyrir 1. mars 1975. Síðast skal prófa eftir eldri reglugerð árið 1980. Stúdent

sem stundar nám eftir eldri reglugerð og hefur ekki lokið embættisprófi við upphaf haustmisseris 1980 skal fellur af skrá yfir nemendur guðfræðideildar.

2. gr.

Reglugerðarbreyting þessi öðlast þegar gildi.

Í menntamálaráðuneytinu, 30. ágúst 1974.

F. h. r.

Birgir Thorlacius.

Hrafnhildur Stefánsdóttir.

L Ö G

um verðjöfnunargjald af raforku.

FORSETI ÍSLANDS

gjörir kunnugt: Alþingi hefur fallist á lög þessi og ég staðfest þau með samþykki mínu:

1. gr.

Greiða skal 13% verðjöfnunargjald í Orkusjóð af seldri raforku á síðasta stigi viðskipta, þ. e. sölu til notenda, en notandi telst sá, sem endurselur ekki raforkuna.

Verðjöfnunargjaldinu skal varið til að bæta fjárhag Rafmagnsveitna ríkisins samkvæmt nánari ákvörðun ráðherra orkumála, að fengnum tillögum stjórnar Orkusjóðs.

2. gr.

Verðjöfnunargjaldið skal lagt á sama gjaldstofn og söluskattur skv. lögum nr. 10/1960 með áorðnum breytingum, en söluskattur skal ekki greiddur af verðjöfnunargjaldi raforku.

Heimilt er gjaldskyldum seljendum raforku að hækka söluverð raforku sem gjaldinu nemur.

3. gr.

Sala á raforku skv. lögum þessum telst fara fram á þeim degi, sem útskrift reikninga á notanda vegna orkuneyslu á sér stað.

Hver sá aðili, sem selur raforku á síðasta stigi viðskipta skv. 1. mgr. 1. gr. og er gjaldskyldur skv. lögum þessum, skal ótilkvaddur greiða mánaðarlega innheimtumannni ríkissjóðs í umdæmi því, sem hann er heimilisfastur í, verðjöfnunargjald það, sem honum ber að standa skil á.

Greiðslunni skal fylgja skýrsla um alla raforkusölu síðasta mánuð, sbr. ákv. 1. mgr. þessarar greinar um sölu.

4. gr.

Verðjöfnunargjaldi ásamt skýrslu um skuldfærða raforkusölu skal skila fyrir hvern mánuð, og er gjalddagi 15. dagur næsta mánaðar eftir uppgjörs mánuð og eindagi 10 dögum síðar.